

Keksyon Sou Viza Vizite

1- Konsil-la pat banm tan pou'm eksplike anyen.

Konsil ki pa ba'w viza byen fòme. Nan yon ti tan, li gentan etidye anpil aspè nan aplikasyon'w lan, sitiyasyon'w nan peyi Dayiti, ak objektif ou genyen pou'w ale Ozetazini.

2- Konsil-la pat gade dokiman'm yo.

Konsil yo pa gade sou dokiman yo pou yo pran desizyon yo, menm si nan kèk ka, yo ka konsidere yo.

3- Mwen vle yo remèt mwen lajan'm.

Frè \$160 ou peye-a se pou etid aplikasyon'w lan. Frè sa-a pa ranbousab, ke'w kalifye, ke'w pa kalifye.

4- Eske mwen ka pote telefòn/sak/kle machin/lòt gadjèt nan entèvyou-a?

Men kisa ou pa dwe pote andedan anbasad ameriken-an. Tanpri kite yo nan machin ou osinon lakay ou:

- Telefòn
- Zam/ kouto
- Sizo/ Pens/ Lòt objè pwenti
- Kamera oubyen kasèt/ manyetoskòp/ radyo
- Laptòp

- Brikèt/almèt
- Spre
- Likid ki ka pran dife
- Anvlòp sele

5- *Eske'm ka peye frè aplikasyon-an sou entènèt?*

Se sèlman nan yon sikisal sagebank ou ka peye frè yo, soti 8:00 nan maten pou rive 1:00 nan laprèmidi.

6- *Eske'm ka akonpanye zanmi'm/ ptit mwen/ fanmi'm nan entèvyou-a?*

Ou ka akonpanye yon aplikan ki genyen, oubyen ki genyen mwens ke 18 lane, ki aje oubyen andikape.

7- *Mwen gen ijans. Eske'm ka gen yon randevou pi rapid?*

Tanpri voye on imèl nan adrès elektwonik sa: papniv@state.gov pou'w ka wè si'w kalifye pou yon entèvyou rapid. Sonje mete rezon ijans ou-a. Yo trete ka sa yo youn aprè lòt. Vwayaj pou vakans, tankou nan ka kote moun nan deja achte tikè avyon li pa yon ijans.

8. *Kisa pou' m fè si mwen pèdi nimewo konfirmasyon randevou mwen an?*

Voye yon imèl ba nou nan papniv@state.gov avèk non'w ak nimewo paspò'w epi nap voye nimewo konfirmasyon-an ba ou nan yon repons imèl.

9. *Konbyen tan sa ka pran pou mwen jwenn viza-a apre jou entèvyou-a?*

Sa pran jeneralman 3 jou travay pou'w resevwa paspò'w la ak viza-a ladan li.

10. Eske fòk mwen ranpli yon nouvo fòm si mwen rate randevou mwen an?

Non. Ou ka itilize menm bakòd ki nan premye paj konfimasyon'w la pou pran yon lòt randevou.

11. Ki kalte foto pou'm pote nan randevou-m lan?

Ou sipoze pote yon foto ki gen mwens pase 6 mwa depi ke'w te fè'l epi ki genyen yon fon blan. Piga ou mete linèt nwa osinon linèt fime nan foto-a, epi fòk tout fòm figi'w byen parèt nan foto-a. Ankenn mouchwa, chapo, osinon foulâ pa sipoze bay lonbraj sou figi'w.

12. Gen yon moun ki vin ofri'm pou ede'm fè'm jwenn yon viza deyò anbasad-la. Kisa pou'm fè?

Al rakonte sekirite ki devan anbasad-la yo sa-a osinon ofisyè konsilè-a lè'w antre andedan-an. Moun sa yo ap fè zak ki ilegal epi ap chèche pran avantaj sou ou. Si'w prezante devan yon konsil ak fo papye, sa ka fè ke ou menm ak tout pitit ou pa janm ka kalifye pou yon viza pandan plizyè okazyon.